



— Маълумотларга қараганда, республикамиз болаларнинг бўйи европалик тенгдошлариникидан 5—7 сантиметрга пасайиб кетмоқда. Халқимиз Европа давлатлари аҳолисига қараганда 7—12 йил кам умр кўришаркан.

“ЭКОСАН”НИНГ САЛОМАТЛИК ПОЕЗДИ”

2-бет

Қизиқиб футбол ўйнаётган у болаларнинг гап-сўзларига қулоқ солсангиз, оддий бақир-чақирларнинг ҳаммаси сўкинишлардан, ҳақорат сўзларидан иборат. Бу сўзлар уларга худди “нон”, “овқат” сўзлари каби ўрганиш бўлиб кетган.

“ШАНБА — ОТА-ОНАЛАР КУНИ”

3-бет

Кийиб олди чап оёққа,
Укам иккала пайпогин.
Биттасин қайдан топдим?
Деб ахтарар ҳар ёгин.

“ТЕНГДОШЛАРИНГ ИЖОДИДАН”

4-бет

№6

(6525)

23 февраль, 1993 йил

СЕШАНБА

Баҳоси 3 сўм.

ТОНГ ЮЛДУЗИ

Ўзбекистон болалари ва ёшларининг газетаси

Хунар — хунардан унар



ТОШКЕНТ шаҳридаги 46-ўрта хунар-техника билим юртида ҳаёт қайнайди. Бу ерда ўқувчилар ўрта мактаб дастуридаги дарсларни ўрганиш билан бир қаторда хунар ўрганадилар. Бу билим юртида тўқимачилик саноатининг бўлажак йўриқчилари — бичиқчилар ва тўқувчилар тайёрланади. Машгулотларни узоқ йиллар давомида катта тўқимачилик корхоналарида ишлаб, тажриба ортирган устозлар олиб борадилар. Ўқувчилар расм ва кийимларни конструкторлаш, моделлаштириш дарсларида кийимларнинг янги кўринишларини бичиш ва тикишни ўрганадилар. Ҳафтада бир неча кун билим юртининг бичиш-тикиш цехида ишлайдилар. Улар тайёрлаётган 32 номдаги тайёр кийимлар Тошкентдаги “Тонг” дўконига сотилмоқда.

СУРАТЛАРДА: бўлажак бичиқчи ва тикувчилар кийимларнинг турли кўринишларини махсус расм дарсларида ўрганадилар. Аълочи ўқувчи Х. Музаффарова ўзи “кашф” қилган кўйлак кўриниши ҳақида сўзламоқда.

Тикиш цехида ўқувчилар ҳақиқий тикувчилар каби ишлайдилар. Улар қилган меҳнатлари учун иш ҳақи ҳам оладилар.

Р. АЛБЕКОВ суратга туширган.



«Ўзбекистон ўқувчи ёшларини рағбатлантириш чоралари тўғрисида»ги Фармонни ўқиб...

БАТАН РАВНАҚИ — ЁШЛАР ҚЎЛИДА

Замоннинг иқтисодий қийинчилиги қанчалик оғир тош босмасин, маорифга, халқ таълимига бўлган жиддий эътибор билангина мамлакат тараққиёти, турмуш фаровонлигига эришиш мумкин. Билимдон халқгина ўз мамлакати тараққиётини ривожлантира олади. Бу фақат биргина менинг фикрим эмас — қайси ўқитувчидан сўраманг, ҳаммаси шу фикрда. Шунинг учун ҳам кейинги йилларда Республикамиз Президентининг халқ таълими, истеъдодли, ижодкор ёшлар борасида қабул қилинган талайгина фармонлари маорифчиларни жуда севинтирди. Хурсанд бўлмай бўладими?! Ахир шунинг билан биз — ўқитувчиларнинг йиллаб олиб борган ишларимиз натижаси кўринади.

Мен ўрта мактабда 16 йилдан буён физика фанидан дарс бераман. Бу давр ичида қанча-қанча истеъдодли, ҳақиқатда кучли билимга эга бўлган ўқувчилар кўз олдимиздан ўтмади, дейсиз. Қийинчиликдан кўрқмагани билим сари интилаверди. Бошқаси, бундайроқ айтганда, “синди”, тан бериб қўя қолди. Уларга бўлган эътиборни кўриб ич-ичимдан эзилардим. Кучли билими бору, лекин эътибор йўқлигидан улар орасидан олимлар, ҳақиқий физиклар чиқмаётганига ачинардим. Аммо на чора эди...

Қайсидир йили Муҳаббат Абдусалимова исмли қизимиз мактабни битирди. Ундаги физикага бўлган қизиқиш унча-мунча болада учрамас эди. У бу фанга қизиққан сари мен чўчирдим. Давом эттира олармикан?!

Ўйлаганимдек, мактабни битириб, Тошкент Давлат Дорилфунунининг физика қўлиётига борган биринчи йилиёқ қайтиб келди. Имтиҳонларни аъло топширса ҳам кечки бўлимга олишибди. Муҳаббат кейинги йил ҳам борди. Яна шу ҳол қайтарилди. Билими кучли бўлса ҳам иродаси бундайроқ ўқувчи

“бор-е”, деб қўл силтарди. Аммо Муҳаббат танлаган йўлидан қайтмади.

Мен буларни хотирлашимдан бир сабаб бор. Яқинда матбуот саҳифаларида Ўзбекистон Президентининг “Ўзбекистоннинг ўқувчи ёшларини рағбатлантириш чоралари тўғрисида” ги Фармонини ўқидим. Истеъдодли ўқувчиларни намоён этиш, уларнинг ижодий қобилиятларини янада ривожлантириш ва рағбатлантириш учун берилган бу Фармон ана энди Муҳаббат ва у каби минглаб билимга чанқоқ ёшларни ҳимоя қилиб боради.

Фармонда вақти-вақти билан олимпиадалар ўтказиб туриш ва унинг ғолибларини муносиб рағбатлантириш ҳақида ҳам сўз юритилади. Бугунга қадар ҳам барча вилоят ва туманларда фан олимпиадалари ўтказилиб борилаётган эди. Аммо ҳар бир жойда бу тадбирларнинг ўқитувчилар кўнгли тўлмайдиغان бир томони бўларди. Бундай кўнглисизликлар энди ишлаб чиқиладиган низом бўйича йўқолиб кетишига умид қиламиз. Кейинги пайтларда гуманитар фанларга кўра аниқ фанларга қизиқувчи ўқувчилар камайиб бормоқда. Шу сабаб ҳам аниқ фанлар олимпиадаларида ҳақиқий билимга эга болалар оз. Белгиланган рағбатлантиришлар эса иқтидорли, истеъдодли ўқувчиларимизнинг билимга янада интилишларига, аниқ фанлар ишқибозларининг кўпайишига ҳам кўмаклашади, деб умид қиламиз.

Мирзараҳим ҚУРБОНОВ,
Андижон вилояти, Бўз тумани Навоий номидаги жамоа
ҳўжалигидаги 2-мактабнинг физика фани ўқитувчиси.

“Тонг юлдузи” ёрдам берди

ЯХШИЛАРГА КЎП ТАЪЗИМ

Яқинда телевизор орқали қабих кишиларнинг жинояти оқибатида ўз фарзандидан жудо бўлган она қиёфасини кўрдим. Жиноятчилар унинг 11 ёшли ўғлини ўғирлаб, қайтариб бериш шартига 40 минг сўм сўрашган ва кам пул келтириб беришгани учун болакайни нобуд қилиб, сувга ташлаб юборишган. Мен бу лавҳани томоша қилар эканман, ўз фарзандим ва унинг фожеаси, ҳақиқат излаб юзурганларим бирма-бир едимга тушди. Бу дунёда одамларда инсоф, диёнат қолганига ишонмай қўйгандим ўшанда...

Йўқ, ҳақиқат барибир қарор топар экан. Инсофсизлардан кўра диёнатли одамлар кўпроқ экан. Улар менинг дардимга малҳам бўлишди. Меҳр кўргизиб, ёрдамлашди. Мен ана шулар қаторида “Тонг юлдузи” муҳарририяти ходимларини алоҳида тилга олиб ўтмоқчиман. Ёрдам бера олишларига кўп ҳам ишонмасам-да, ноумид шайтон, қотилни топшида

қўмаклашишар, деб мактуб йўллаган эдим. Тез кунларда муҳбир келиб кетди. Газетада “Изсиз қотиллик” (1992 йил, 4 сентябрь сони) мақоласи босилгач, тергов ишининг бошқатдан кўриб чиқилишига қарор қилинди.

Ҳа, боламнинг ёшгина умрига зомин бўлган қотил бугун ўз жазосини олди. 10 йил қамоқ муддатини қаттиқ кучайтирилган режим қамоқхонасида ўтайдиган бўлди. Бу ўғлимиз Суннатни қайта дунёга келтирмасам-да, у каби яна қанча-қанча болакайлар умри хазон бўлишининг олди олинади, оталар, оналар тинч ухлайди.

Ҳақиқатни қарор топтиришда бизга ўз ёрдамини аямаган, болаларнинг, шу жумладан ота-оналарнинг ҳақиқий ҳимоячиси бўлган “Тонг юлдузи” муҳарририятига чуқур оналик миннатдорчилигини билдираман.

Зухра КАМОЛОВА,
Бухоро вилояти, Когон тумани,
Когон давлат ҳўжалиги.



Қор!.. Сокин эланмоқда. Афсонага айланаётган оппоқ борлиқ ҳаёлингни болалик томон етаклайди... Ёдингда бор, оппоқ қор завқига тўлиб, унинг юмшоқ бағрида думалаб-думалаб ётган болалигинг. Бошига пақир кийдирилган Қорбобо, унинг атрофида сочилиб ётган жажжи қўлқопчалар, қулоқчинлар...

Совуқдан юз-қўллари қизариб, Қорбобо ясаётган қувноқ болаларга термулганча болаликка қайтгинг келаверади.

Суратда: Икром ота Раҳимжонов неваралари билан.

Р. АЛБЕКОВ суратга туширган.


Бу конкурсда иштирок этишга қарор қилган бўлсангиз бу борада мактабингизда, синфингизда амалга ошираётган ибратли ишларингиз ҳақида "Тонг юлдузи"га ёзиб юборасиз деган умиддамиз.

Қадрли ота-оналар, ушбу саҳифамизнинг муштарийлари! Бугун сизлар билан яна фарзандларимиз тарбияси хусусида фикрлашмоқчимиз. Тўғри, бу ҳақда жуда кўп гапирилади — оилада ҳам, мактаб, боғчаларда ҳам. Уларда хилма-хил фикрлар, ўринли саволлар, муаммолар туғилади. Лекин шундай бўлса ҳам, бу мавзу ҳамisha ўта муҳимлиги ва долзарблигича қолаверади. Чунки, биз — ота-оналар, қанчалик тиришмайлик, фарзандларимиз тарбияси ҳақида қайғурмайлик барибир камлик қилипти чоғи. Буни вояга етмаган ўсмирлар орасида содир қилинаётган жиноятчилик даражасининг кундан кунга ошиб бораётганлигидан ҳам билса бўлади. Ҳўш, бунга ким айбдор? Оилами, мактаб еки болаларнинг ўзими? Еки ҳаммамизнинг лоқайдлик, бепарволик билан "ўзингни бил, ўзгани кўй" қабилида иш тутаётганимизми?

Бугун айнан шу масалалар хусусида сиз — ота-оналарни мунозарага чорлаймиз. Истардикки, саҳифамизнинг нафақат муштарийлари, балки унинг фаол иштирокчилари ҳам бўлсангиз. Ўзингиз гувоҳи бўлган воқеалар ҳақида ўртоқлашиб, фикрларингизни билдирсангиз. Бу ҳам ўзгача бир тарбия ўчоғига айланса, ажаб эмас.

ШАНБА —

ОТА-ОНАЛАР КУНИ



Мактабдан кейинги вақт

Америкалик ўсмирларнинг 40 фоизидан кўпи бўш вақтларини телевизор томоша қилиш ва бошқа фаолиятлар билан ўтказишади. Ота-оналар билан болалар орасидаги муносабатлар учун жуда кам вақт қолади. 10 ёш билан 15 ёш орасидаги 2 миллион америкалик ўспирининг мактаб соатидан кейинги фаолиятлари катта кишилар томонидан назорат қилинмайди. Шу сабаб улар балоғат даврида ўз имкониятлари даражасига эриша олмаслик таҳликиси билан яшамокдалар.

Яқинда ўсмирлар учун махсус режа ишлаб чиқиш уюшмасининг ўспиринлар муаммолари билан шуғулланувчи тармоғи жамоа ва ўспиринлар билан шуғулланишга қаратилган режани ишлаб чиқди. Мазкур режада ёшларнинг мактабдан кейинги вақтларда катта кишилар томонидан назорат қилиниши лозимлиги таъкидланган. Режани ишлаб чиққан олимларнинг фикрларича, халқаро тарбия соҳасида ўтказилган тортишувлар натижасидаги фикрлар мамлакатда таълим-тарбия савиясини юксалтириш, салбий томонларини эса йўқотишдан иборат эканлиги маълум бўлди.

Ўспиринлар учун махсус режа ишлаб чиқиш уюшма ҳайъат аъзоси, Вайсминг университети олими Жеймс Комеенс, бола вояга етаётган пайтларда, унинг мактаб соатидан кейинги фаолиятларида оила ва мактаб кенг ўрин олиш кераклигини таъкидлайди. У "Крисчен сайр монитор" газетасига берган баёнотида, "XXI аср фан ва технология жамосини қадимги қишлоқ ҳўжалик ва саноат даврига олиб боришга уринмоқдамиз. Қадимги даврда болаларнинг ўйинлари, катталар билан алоқа қуришлари оддий бир ҳаракат эди. Улар табиат билан яна ҳам яқин эдилар. Мактабга кетаётганда ҳеч бўлмаганда ота-онасини таниган бир нечта киши билан рўпаралашшарди. Энди эса телевидение маълумотлари ёшлар учун зарарли бўлди" деган. Кузатувни олиб борган ҳайъат аъзолари маълумотида кўра, бир ўспирин ўзининг кундалик вақтидан 37 фоизини мактаб, иш, дарс билан, 21 фоизини хусусий ишлар билан, 42 фоизини эса ўйин, телевидение томоша қилиш ҳамда социал фаолият билан ўтказишади. Ўспиринлар устидан олиб борилган кузатувларга кўра, мактаб соатларидан кейин назорат қилинмаган ўспиринлар қонунга ҳилоф ишларга аралашшлари мумкинлиги эҳтимоладан узоқ эмас. Ота-онаси ишлаган ёлғиз қолган ўспиринлар, айниқса, 8-синф давларида назорат қилинмаса, қора дори ва бошқа муаммоларга мубтало бўлишлари мумкин. Чунки, бундай нарсаларга ана шу ёшларда қизиқиш бўлади. Олиб борилган кузатув аниқ вақтда телевидение программалари ўзгартирилишига эҳтиёж борлигини кўрсатади.

"Сало" халқаро экспрес-ахборотида.



"ОИЛАДА ЁШЛАР ТАРБИЯСИ"

"Ёшларнинг тарбияси бузилиб кетяпти", "Болаларимиз дангаса, ўқишни, билишни истамайдилар", деб нолиш катталарга одат бўлиб қолди. Аммо нолиш, сабаб ва баҳоналарни қидириш билан бир қаторда уларнинг олдини олиш ва бу каби иллатларни йўқ қилиш учун узил-кесил тадбирлар кам қўлланилган. Яқинда Ўзбекистон Ёшлар Иттифоқи Марказий Қўмитасида ана шу мавзуда мулоқот бўлиб ўтди. Унга йирилганлар — ёшлар нашрлари муҳаррирлари, диний ишлар қўмитаси вакиллари, маҳалла оқсоқоллари, мураббийлар, ёзувчилар, маданият ходимлари ва мактаб ўқувчилари ёшлар тарбияси кўп жиҳатдан оилага, болаларнинг бўш вақтларини қандай ўтказиётганига, мактабга боғлиқлигини айтиб ўтишди. Бу борадаги баъзи муаммоларни ўртага ташлаб, муҳокама қилишди.

— Мамлакатимиздаги иқтисодий аҳвол болаларни бирон ҳунар еки фойдали ишни ўрганишдан кўра пул

топишга кўпроқ қизиқтира бошлади, — деди жумладан "Ёш куч" журналининг Бош муҳаррири Х. Тўхтабоев, — Биз уларни бу йўлдан қайтаришимиз учун кўлимизда қандай "куч" бор? Улар техникага қизиқмай қўйишди. Аммо техникага оид адабиётлар, қўшимча қўлланмалар, ҳеч бўлмаганда техникага оид бирон ойнома борми бизда? Йўқ.

Маданият ишлари Вазирлиги халқ ижоди ва маданий-маърифий ишлар Жумҳурият маркази, Ўзбекистон ЕИ МҚ ва республика "Маҳалла" хайрия жамғармаси ташкил этган бу давра суҳбатиди тарбиянинг бугуни ва эртаси ҳақидаги мунозарали фикрлар билдирилди. Йирилганлар бундай тадбирни бундан кейин ҳам тез-тез ташкил этиб, суҳбатлар ўтказишга қарор қилишди.

СУРАТЛАРДА: Мулоқот пайтида.

Муҳаммад АМИН сурагга туширган.

Кейинги пайтларда балоғат ёшига етмаган ўсмирлар орасида жиноятчилик кўпайиб содир қилинаётганлиги ҳеч кимга сир эмас. Бунинг сабаблари нимада? Бу борадаги 1992 йил якунлари қандай бўлди? Қўйидаги саволлар билан Ички ишлар Вазирлиги балоғат ёшига етмаганлар билан илгари назорати бошлиғи, милиция подполковниги Хўжақбир ака АҲММЕДҒА мурожаат қилдик:

ҲАММА ГАП БИЗ — КАТТАЛАРДА

— Аҳвол қувонарли эмас. 1991 йилда балоғатга етмаган ўсмирлар томонидан 5383 та жиноят содир этилган бўлса, 1992 йилда эса бу кўрсаткич 5882 та кўпайган. Рўйхатга олинган жиноятларни турларга ажратиб таққосласак, қасддан одам ўлдириш, оғир тан жароҳати етказиш, номусга тегиш, талончилик ва босқинчилик каби турларининг сезиларли даражада камайганлигини кузатиш мумкин. Давлат ва жамоат, фуқаролар мулкни ўғирлаш каби турларининг ортиб бориш сабаблари ўз-ўзидан бозор иқтисодиётига бориб тақалади. Қолаверса, ўсмирларни иш билан таъминлаш муаммосининг ҳал этилмаганлиги, оилаларнинг тўлиқ эмаслиги, нотинч оилаларда тарбияланаётган болаларнинг

кўпчилиги ҳам, ўсмирлар орасида жиноятчилик даражасининг ошишига олиб келадиган асосий сабаблардан саналади. Йил якунларига кўра, жиноят содир қилган 6146 нафар 14 ёшдан 17 ёшгача бўлган ўсмирлар рўйхатга олинган бўлса, шулардан 1525 нафари мактаб ўқувчиларидир. Шунингдек, 4339 нафари жиноий жавобгарликка тортилган. Ўсмирлар жиноятчилигининг ўсиб боришининг асосий сабабларидан яна бири ишдан, ўқишдан бўш вақтларида оммавий дам олиш масканларининг, спорт клубларининг камлигида ҳам дейиш мумкин. Бир неча минглаб ўқувчилар шуғулланиб келадиган, фаолият кўрсатиб турган айрим ана шундай масканларнинг тўғридан-тўғри ёпиб қўйилиши эса

қурилиш бошқармаси томонидан ёпиб қўйилишини, Томди туманида ягона бўлган интернатнинг ҳам ёпиб қўйилганлигини келтиришимиз мумкин. Бу масканларда шуғулланиб келадиган минглаб фарзандларимиз бошқа бирор машғулотга жалб этилган бўлса, яхши албатта. Лекин акси бўлса-чи? Уларнинг бекорчилик ва зериктишдан бирор жиноятга қўл урмасликлари ким кафолат бера олади?

Менимча, жиноятчилик сабабларини авваламбор биз, катталар, ўзимиздан қидиришимиз лозим. Фарзандларимиз тақдири ҳақида жиддий қайғурмасак, ички ишлар ходимларининггина олиб бораётган барча ҳаракатлари зое кетади.

РЕСПУБЛИКАМИЗДА БАЛОҒАТГА ЕТМАГАН ЎСМИРЛАР ОРАСИДА СОДИР ҚИЛИНГАН ЖИНОЯТЧИЛИКНИНГ 1991 — 1992 ЙИЛЛАРДАГИ ТАҲЛИЛИ:

	1991 йил	1992 йил		
Қасддан одам ўлдириш	51	33	Бетюрлик	147
Оғир тан жароҳати етказиш	69	69	Қуролларни тайёрлаш ва сақлаш	118
Номусга тегиш	53	45	Навотик моддалар билан	51
Талончилик ва босқинчилик	628	521	Боғлиқ бўлган жиноятлар	29
Давлат ва жамоат мулкни ўғирлаш	715	933	Транспорт воситаларини	80
Фуқароларнинг шахсий мулкни ўғирлаш	2260	3048	Хайдаб қочиш	140
			Ўз жонига қасд қилиш	

СУБҲИДАМ

Шиғи-шиға бўлиб йиғилар,
Юрагим қаърида армон.
— Тонг гўзал, — огоҳ этар
Тонгда уйгонган булбуллар.

Зоглар уйгонгандир боғлар
уйгонган,
Армоннинг кўксини ўтгандир
ериб.

Қайгадир жўнамоқ бўлади
секин
Ой ҳам, юлдузлар ҳам гўёки
хориб.

Қолаверар тугалланмай шеър...
Шоди ОТАМУРДОВ,
Жиззах вилояти, Ғаллаорол
туманидаги 39-мактаб ўқувчиси.

УКАМ

Кийиб олди оёққа,
Укам иккала пайпогин.
Биттасин қайдан топдим?
Деб ахтарар ҳар ёгин.


ЯЛПИЗ

Ҳар ён ҳидларин сочиб,
Ўсарди бир бош ялпиз.
Мақтанар тўлиб-тошиб
Мендир малика ёлғиз.

Адиба ҲОШИМОВА,
Наманган вилояти, Норин тумани,
Марғизор қишлоғидаги
21-мактаб.

ОЙ БИЛАН ҚУЁШ

— Ой билан қуёш, —
Деб сўрар Йўлдош. —
— Нега айт сирин,



Кўрмас бир-бирин?

— Оймома тунда, —
Гап бошлар Башар.
— Қуешни кўрса
Кўзи қамашар.

БЎЯЛГАН ЭШАК

Зебрани кўрсатиб
— Бу нима? — десак
Укам Вали дер,
— Бўялган эшак.

Анваржон УМРЗОҚОВ,
Самарқанд вилояти, Каттақўрғон
туманидаги Қўрғонбой
Естемесов номли мактаб.

УЛҒАЙИШ

Ўн беш ёшга тўлибман,
Орзуларим бир жаҳон.
Ҳаёт гўзал ва сирли
Тасаввуримда ҳар он.

Орзум бўлиб порлайди
Чараклаб кўкда юлдуз.
Кучоғига, бағрига
Имлайди кеча-кундуз.

Умид илдиз отмоқда
Улғайиб борган сарим.
Уйғунлашар қалбимда,
Гўзал ҳис-туйғуларим.

Зоҳида УМАР қизи
Самарқанд вилояти
Қувқалла қишлоғи, 70-мактаб.



УСТОЗИМ

Бир кун келиб онажоним
Мен ҳам шоир бўлайин.
Сенинг ширин сўзларингни
Мен шеъримга солайин.

Шеър ёзганда фақат сенмас
Халқимни ҳам куйлайман.
Илк ижодга кўзим очган
Устозимдан сўзлайман.

Бир умрлик шеър ёзайин
Устозимнинг номига.
Доим уни куйлайман мен
Дог туширмай шаънига.

Хуршида МИРЗАНОВА,
Самарқанд вилояти, Иштихон
туманидаги 61-мактаб.

ОНА

Тўлин ойдек сочимни тараб,
Юрагимга ойдек балқиган.
Нурга ошно этиб борлигим
Йўлларимда юлдуздек қулган.

Онажоним, меҳр боғимнинг
Муруватли сен боғбонисан.
Юрагимни тутарман сенга
Шўх қувончим чароғбонисан.

Адолат КОМИЛОВА,
Андижон вилояти, Бўз
туманидаги 2-мактаб ўқувчиси.



Азиз неварам Ойбекжон!

Таваллуд кунингда сенга энг
эзгу ниятларни тилашни истайман.
Доим саломат бўл, ўқишда,
келажак ишларингда
муваффақият сенга ёр бўлсин.
Доим қулиб, қувнаб юргин.
Сени табриклав: БУВИЖОННИНГ,
Тошкент шаҳри.



Барқамиз учун суюкли
ФАЙРАТИЛЛА!

Таваллуд топган кунинг билан
қутлаб, хулқинг ҳам ўқишинг каби
аъло бўлишини истаймиз. Умринг
уzun, ризқинг бутун, толеинг
баланд бўлсин.

ОБИДОВЛАР оиласи.
Чилонзор район, А. Икромов
кўчаси, 19-уй.



Севимли фарзандимиз
ГОФУРЖОН!

10 ёшга тўлган кунингда сенга
барча яхши тилакларни тилаймиз.
Узоқ умр кўр, соғ бўл, бахтли умр
кечирганингни кўриб, қувониб
юрйлик.

Яхши тилаклар билан ойишонинг,
дадажонинг, синф раҳбаринг.
Тошкент тумани,
АБДУРАХМОНОВЛАР оиласи.



Азиз қизимиз ГҮЛЧЕХРА!
Сени 10 ёшинг билан қутлаймиз.
Исмингга яраша чехранг гул
сингари очилиб турсин. Сенга
умрбоқийлик, ўқишда ривож,
улкан соғлиқ тилаймиз.
Даданг, ойинг, опанг Барно,
ДАДАМИРЗАЕВЛАР оиласи.

Табриклаймиз!



СИЙМОЛАР СЎЗЛАГАН ЛИСОН

ПОЙТАХТдаги 295-мактабда
ўтказилган "Тилга эътибор — элга
эътибор!" номли тантанали кеча
мустақил Ўзбекистон Республикаси
мадҳиясини ижро этиш билан
бошланди. Уни шу мактабнинг 3-"Б"
синф ўқувчилари қуйлашди.

Дарҳақиқат, она тилимизнинг
равнақи келгуси истиқболимизнинг
гарови ҳамдир. Бу тилда "Қутадғу би-
лиг", "Девону луготит турк", "Хибат

ул-ҳақойиқ", "Хамса" каби буюк
асарлар битилган. Ал-Хоразмий, Ал-
Беруний, Абу Али ибн Сино, Лутфий,
Навоийдек жаҳонни лол этган
сиймолар сўзлаган бу лисонда.

Бу кеча ҳазрат Алишер Навоий
таваллудининг 552 йиллик санаи
муборақларини нишонлаш билан
уйғунлашиб кетди. Кечада ўқувчилар
ўзбек халқ мақоллари, тарихий
алломалар пандномалари, ҳикматлари

орқали ота-онага, устозга ҳурмат, она
юртимиз ва тилимизга, илмга муҳаббат
туйғуларини ифода этдилар.

Шунингдек, ўзбек ва бошқа туркий
халқлар куй-қўшиқлари янгради.
Ўқувчилардан Г. Шарипова, Х.
Орифжонов, Ш. Алимова ижросидаги
"Алла", А. Комилхонов, Ж. Неъматов
талқинидаги интермедия, О. Саидова
ҳамда Ш. Алимова ижро этган
"Тановар" рақси меҳмонларда катта

таассурот қолдирди.

Кеча сўнггида пойтахт ўқитувчилар
малакасини ошириш институти ва
бошқа жамоалар вакиллари мазкур
маърифий-тарбиявий кечани ташкил
этганлиги учун 3-"Б" синф раҳбари
Қундузхон Норматовга сазимий
миннатдорчилик билдирдилар.

Р. АЛБЕКОВ.

СУРАТЛАРДА: кечадан лавҳалар
акс эттирилган.

Муаллиф олган суратлар.

бажарди, — жавоб берди
Петер.

БУ ҚАЙСИ ВАҚТ

Дитер: — Бу қайси вақт? Мен
чопаяпман, сен чопаяпсан, у
чопаяпти.

Йорг: — Бу танаффус пайти.

АЖОЙИБ СЎЗ

— Синоним бу нима? —
сўради ўқитувчи.

Ўқувчи: — Синоним бу
бошқа сўзни билмаганимизда
ёзадиган сўзимиз.
Оломончадан Б. Улуғбеков
ўғирган.

ОЧИЛИБ ТУРИШИ КЕРАК

Азизжоннинг отаси унинг
укаси Азизжонга ёлғондан дўқ
урди. Азизжон эса кулиб
юборди.

Отасига ҳазил аралаш

ТЕЗ АЙТИШЛАР

Улоқ солмай қулоқ, ўтлоқда Умрзоқдан узоқда ўйноқлаб,
ўтлаб тузоққа тушди.

Қирдаги қирқта қирқма қовун қоқи қаҳратон қишга қолди.

Оқил Оқсой оқшомида оқизоқ оқизди.

Ф. ОРИПОВ тайёрлади.

Азизжон деди:

— Ўзингиз айтгандингиз-ку,
киши доимо очилиб, кулиб
туриши керак деб...

Эргаш ОТАЕВ.



АКАМ БАЖАРДИ

Сен ўй вазифаларини яхши
бажарибсан. Ҳойнаҳой, сенга
аканг ёрдамлашгандир? —
сўради ўқитувчи Петердан.
— Йўқ, у ҳаммасини бир ўзи

Бош муҳаррир: Ақром БЕРДИМУРДОВ.

Таҳрир хайъати:
Ф. ЖАЛИЛОВА, Т. КАРИМОВ, А. КҮЧИМОВ,
М. ПИРМАТОВ /масъул котиб/,
М. РАҲИМБЕРДИЕВА, Ш. СУННАТОВ,
Д. ТУРАХМЕТОВА.

Тяжисч:

ЎЗБЕКИСТОН ЁШЛАР ИТТИФОҚИ
МАРКАЗИЙ ҚУМИТАСИ
Газета 1929 йил, 1 августдан
«ЛЕНИН УЧКУНИ» номли бўлган
чиққа боқилган.

Газета ҳафтанинг сешанба куни чиқади.

Маълумот учун телефон: 33-49-45

Бизнинг манзилгоҳ:
700083. ТОШКЕНТ ШАҲРИ,
ЛЕНИНГРАД КҮЧАСИ, 32-УЙ.
Напр кўрсаткичи: 64563
Чоп этиш вақти — 18.00